


寶經
金剛

光緒三年三月湖
北崇文書局開雕



十一經音訓序

甘肅南山書院向有經訓約編之刻帙不盈尺而羣經咸備士林便之中州爲四達之區顧書鮮善本五經惟坊刻乖劣殊甚毛版十三經閒亦有之文直昂非寒士力所能購余承乏於茲閱七寒暑自往歲移建大梁書院以來各郡邑鄉學以次畢修凡游於黌塾者亦旣鼓舞奮興知向學之爲先務矣因思仿蘭也意別刊讀本以貽學者復取約編一再讀之其分卷簡要洵堪取法而體例未善者約舉則有數端易書詩春秋外餘經率非足本一也旁注所採多不依本文二也上方載評語論及文

法非說經體三也圈點淋漓四也爰舉全經付開封存守提領
開雕而以袁汪李王四令任編纂事規模詳略俾與劉子敬山
長商定可否至校正字體則吾鄉繆君蓮舫與有力焉論語孟
子童蒙所誦習者家有其書故不復刊入其各經旁注悉諸家
原文不妄增改一字大字附載音切句旁祇著圓點意取便讀
無事繁雜上列先儒之說擇其尤粹美者以備稽覽其有一經
要領所繫則輯說詳焉書既成題曰十一經音訓以安徽藩使
周君景嘗梓十一經讀本今茲命名宜稍異也夫諸經遺文盡
此數十萬言誠使學者分陰是惜日諷三百言爲率不過五歲

而畢區區持贈之心惟願人人以此自勵科名固有分定要之
皓首鑽研究亦不失爲淹通之士是編纔廿餘冊務在士子易
於儲藏故訓釋綦略有志窮經者如更欲躋孔鄭之堂探箋傳
之蹟則十三經注疏泉古今經學諸書具在盍由此引而伸之
卽以是編爲濫觴之源可也

道光十有一年歲在辛卯孟夏之月崇陽楊國楨序

Blank manuscript page with vertical lines and stains.

昔儀封張清恪公建鰲峰書院手授諸生課程分鈔刻經傳
諸書以資肄業故鰲峰藏書稱最富而吾閩人才百年來多
所成就咸頌其德不衰道光辛卯春余由楚藩調豫省下車
卽詣大梁書院觀風見士子恂恂有矩度試經義亦具家法
蓋我 中丞楊公由豫藩晉開府七年於茲嘗改建大梁書

院章志貞教與諸生相切劘其大旨平近切實不務苟難使
人人各得屢飫以去前此嘗刻陸朗甫中丞所輯切問齋文
鈔蔡文勤公手錄古文雅正繼復取甘肅蘭山書院中所藏
諸書如康伊山學使摘抄三通序皆先後刊發以示諸生矣

其中經訓約編一種萃十一經梓之尤便學者誦讀顧其書
惜非足本注亦簡略爰仿五經旁訓之體補輯完好改顏曰
十一經音訓指其命名之意蓋謂辨反切耳訓字義耳固未
暇旁徵博引以闡明奧窔也然而聖人之心卽吾人之心也
人人自具之心聖人言之而讀者自領之固有不待詳說而
漸漬以得之者且是書本爲課諸生設諸生質有高下卽學
之深淺因之高者無難博綜傳說折衷同異卑者則窮年佔
畢有終身未誦十一經之全者 中丞嘉惠士林俾人置一
冊而循循善誘先就淺者近者引之令讀者由章句而求訓

詒由訓詒而求義理則高遠之境自有恍然躍然而不容已者余幼熟聞清恪公課士之法今又宦公之鄉思以公之教聞者教士而中丞已一一與前賢之用心不謀而合是向所得諸私淑者今且親見之將多士通經致用爲

國家慶得人之休是則清恪公之造福於吾閩者大而我中丞所以植才勸學於此邦者又安見前後賢不相及哉因書之成也謹誌其厓略如右時

道光十有一年歲次辛卯夏五月侯官林則徐序

古之學者耕而兼讀三年而通一經今之學者終年佔畢
掇拾時藝爲獵取計至經傳則以爲童幼傳習之書反束
置不觀就其所常誦習者自易書詩而外如三禮三傳率
因陋就簡取節本讀之父師不以爲怪是名爲治經實終
身未獲一經之益也夫

國家以經義取士本期學者究心經傳以講求聖賢義理之
所在爲將來服官行政之資而顧坐荒本業或以簡略貽
譏將何以爲致用具耶 大中丞楊公撫豫以來首以培
養人才爲急而黜華崇實尤願人人爲通經服古之儒於

是取蘭山書院所刊經訓約編重爲釐訂使諸經皆成足
本訓釋則悉遵前賢原註量爲裁節要無一字妄增其音
切亦詳載焉共二十六卷顏曰十一經音訓謹受而讀之
明白簡易使讀者無畏難之心卷帙無多卽力不能購書
者亦可入置一冊以得讀全經爲快洵近時善本也昔元
陳雲莊序禮記集說曰章句通則蘊奧自見不必高爲議
論而卑視訓故之辭今是編所輯雖未足以闡發大義饜
學者之心然蒼萃羣經爲初學辨音切通訓故優柔而饜
飫之將微言奧旨有恍然自得於心者世有好古之士思

欲上窺孔鄭探討源流則十三經注疏具在且我

朝

欽定

御纂諸書久貯黉宮足資肄業學者誠由此引而伸之觸類而長

之他日通經致用庶無負 大中丞嘉惠來學之心是尤

所厚望於此邦之士也夫

道光十有一年歲次重光單闕余月長白麟慶序

Blank manuscript page with vertical columns.

經學昌於漢精於宋至

聖朝集其大成斟酌損益進退百家折衷一是贊修刪述之旨
昭如日月經天矣多士涵濡

文教束髮受書以通經爲先務中州伊洛淵源人文特盛

大中丞海梁楊公敷政宜民一本經術尤加意於勸學慮
全經猶未遍觀爰刊十一經讀本屬存心舟太守領其

事篇帙約而摘註精首載輯說別采粹語列眉嘉惠士林
何懃懃也竊謂經不患其難通患在初學習之不專其弊
有二焉曰欲速曰貪多欲速則務趨苟簡剽襲浮華性情